

廣東府縣志輯

中國地方志集成

道光廣寧縣志
乾隆新興縣志
道光東安縣志



中國地方志集成

廣東府縣志輯④⑧

道光廣寧縣志

乾隆新興縣志

道光東安縣志

重修廣寧縣志序

邑志之修所以紀治也而求治之意與保治之意實並存乎其中焉寧陽僻處山隅居於巖邑溯自前明新建之始峒醜負固大動王師亦越我

朝定鼎之初土寇犯城殘虐軍旅削平

撫輯俾有寧居厥維艱哉方今

廣寧縣志序文

土沃民饒踴稱富庶而熙熙皞皞

日不覩狼煙之色耳不聞鐵馬之聲

蓋食懷飲和涵濡于百數十年未

深仁厚澤之中而後共安平治為

斯也前志具在取而讀之其誰不

思致治之難而謀所以長治者歟願

有志於前必有意于後乃寧陽志

乘自乾隆己巳李君奉潔重修而

後歷今且七十餘載矣予自壬午夏初承乏茲土搜求邑之典故踵修之念未嘗一日去諸懷適奉

上憲飭修郡志並令先修縣志爰不

揣迂踈慨然倡議時則兩學具有

同心而邑中諸君子莫不惟忻踴躍

願成斯舉遂乃樂捐輸勤採訪

皓首老儒不辭考核青燈深夜共

廣寧縣志序文

切脩明閱數月而全稿繕成就質

於予予觀其紀載賅備視前志為

加詳而義例謹載悉衷典則以之信

今而傳後其亦庶乎其可也第思

邑之有志目為空文則可以為修視

為實事則修不徒修試舉其凡而論

典謨敬錄而山陬小邑如聞

天語煌煌能至乎自濯磨歟由是而思

野濺焉疆域辨焉建置詳焉

覈焉所為順天之時目地之理

之制者宜何如恪守哉次之重

則有職官崇制度則有禮樂

才則有學校興賢能則有選舉

而人物衆盛風俗大同而安

兵防亦于焉必肅是孰非邑

本哉若乃農勤山澤物產

廣寧縣志

序文

三

士肄風騷藝文可錄下至嘉言

典夫遺蹟舊聞無類可標則

統之又自建邑以來編年紀月

昭然蓋終之以年表而志于是

備矣予因以為今之修是志也

舉一邑之精神命脉悉維繫於

筆間也後之人之讀是志也亦

一邑之生成教化並感發于

也故曰求治之意與保治之素胥于

是乎存也而豈僅脩輶軒之采云爾

哉

時

道光四年歲次甲申仲秋穀旦

寧黃思藻書於福山官舍

廣寧縣志

序文

四

前序

國朝邑令黃金從
舉人軍功

子神武懋昭聲教四訖梯山航海歷古未入版圖之地悉隸職方爰

詔命儒臣取天下郡邑圖志蒐剔遺彙獻纂撰備列成志所以宣揚盛烈而大一統也廣寧僻處山陬志書闕有間焉甲子秋從承乏茲土進邑中諸文學而咨詢之出其手集零篇斷簡多所缺畧因喟然興歎斯邑雖小百里之寄也嘉靖建邑以來百二十餘載於茲矣戶口之生聚賦役之供億文教之培植兵防之因裁與夫山川景物署宇杠梁前

廣寧縣志卷之一 前序

官政治之蹟往哲生長之踪日月更新何以未有成書也豈當其時者未遑及此歟抑邑之紳衿耆老不以具聞歟或兵燹之餘散佚多遺歟抑修明之事有待而起歟夫敷仁布德崇文重道

賢君相之澤也修舉廢闕彰前垂後有司之事也寧陽叢爾之區今雖積逋甫清嗷鴻漸集然而百餘年山高水清邨落稠茂歌誦蔚興耕鑿寧謐孰非聖朝休養之貽哉官斯土者烏可不滌慮勉力以勤修職業耶爰博搜志乘旁詢耆聞採其紀實薙厥繁蔓編輯而謀之剗剗時康熙丁卯歲

前序

國朝進士 寧堯采
邑令 東水

誌者載也載其事以行遠也 國家聲教廣被東漸海西訖河南抵扶桑北極朔漠亘古禹跡所未揅盡入版圖爰命儒臣纂修天下輿圖志上採國史旁及郡乘山川隘塞風土人物莫不備載用以垂當時傳後世永昭一統無外之模甚盛典也廣寧爲縣遠在東南數千里外以天下疆域論之僅比著面一黑子山僻荒陋烏乎載然自明嘉靖建置至於今

天子命吏治之有城郭官廨焉有學校祭壇焉有丁役賦稅焉有村鎮關隘橋梁道路焉要亦一邑之事也百餘年來兵凶疊遭戶口之增減守令之賢否

廣寧縣志卷之一 前序

二 民俗之奢儉變遷不一非筆之於書一旦

天子有輜軒之使將何從考其風俗而後來官斯土者又焉所鏡覽以識前此治理之得失而隨時爲酌劑哉考之舊序往未有志志自前令閩嶠黃公始其時新經兵燹諸凡草昧搜採未暇僅從一二紳衿掇其零編散紙裒輯成書大綱雖存細目未舉亦勢使然與夫前者作而後者述修明之盛事也作者畧而述者詳攜撫之漸次也方今承平日久賦寬徭均衆廢悉舉以予承乏其間因得從容詢訪卽耳目所親見聞參諸舊誌補其缺漏芟其漫蕪重加剗剗傳之久遠庶寧人知彈丸片邑亦屬

皇輿所不遺五十年德澤涵濡咸思戴高履厚勉為忠

順之民且令繼余至者開卷一覽而邑之治亂盛衰廢興沿革瞭然指掌則腴羊之痛澤鴻之哀當必有并惕於心者而所以撫摩教化之術其亦思過半矣

昔康熙歲次甲戌季夏之吉

總論

廣寧何為而設也考其地劉宋置綏州郡及隋廢郡為縣唐置南綏州尋廢州仍為縣宋開寶間併入四會至明嘉靖時賊首馮天恩李汝端梁汝忠歐廣海依山為固擁眾萬餘盤踞大羅山劫掠無

廣寧縣志卷之一 前序

三

常所過村寨牛畜室廬布帛菽粟蕩然一空擄而贖者不計其數屠掠之苦無月無之後督撫御史談諱愷奏聞發大兵七萬有奇討平之賊眾既滅設縣以鎮此廣寧所由建也嘉靖三十七年割四會太平橄欖大圃三都一十一里立城於大圃城垣廣三百三十丈高一丈七尺敵樓一城門三警舖十有一雉堞四百八十有四前對三台後擁員嶺五馬輔其左三宿弼其右兩溪夾帶綏江外流洵地利之宜也歷數十年耳不聞金戈鐵馬之聲目不覩烽火狼煙之色生齒日繁人材蔚起濟濟熙熙雖齊魯不是過也至

國朝定鼎安堵如故越丁亥秋八月西寇焚我東門

二十五刻而城失守知縣楊嘉謨典史平福履死焉傷殘男婦六百餘人毀傷宗器戊子己丑六七年間猖獗益甚斬手刲眼流寇之屠毒也攻城劫寨土寇之肆橫也予遣之民遭劫如此逮我大師削定之後於今寇氛既熄布置得宜兵民相安豐年屢慶共享昇平之福同遊熙皞之天敢將總志附論之

附重修縣志 諸人姓名 行取知縣黃金從編輯

儒學教諭何 演

訓導張孔嘉

廣寧縣志卷之一 前序

四

鄉紳行人周裕珽

訓導李 膺

舉人鮑 凱 陳大業

高 鵬 黎紹科

庠士葉瓊標 陳淇漣

林 猗 李 敏

程雲鳳 謝士矩

周松齡 王家璧

李露涓

前序

邑令 李本潔

天下當邳隆之盛其禮樂文章之所被雖遐陬遠
徼沐日浴月咸佩光華於是陰陽効靈山川作德
景慶縵於上草木賁於下凡夫珥筆鴻儒操觚下
士靡不染翰濡毫以鳴一時之盛矧事關郡邑之
昭垂數十年休明制作文物衣冠躬爲令長敢以
樸陋無文虛爲遜謝任其闕畧哉 不候 辛酉之冬
奉

命蒞寧陽其爲邑也狹而僻事簡而民愿然北距滇陽
西連懷集重山複嶺榛篁叢雜百里之區號稱險
峻甫視事卽宵寐晨興謀所以牧寧之者因是汲

廣寧縣志卷之一

前序

五

汲皇皇先欲悉其情形之阻易覈其戶籍之耗息
稽其田畝稅糧之腴瘠增減考其學校風俗人物
之升降污隆俾得悉心撫字自勉於古循吏之蹟
以圖報稱爲之計掌故搜遺籍乃得前令黃君金
從甯君堯采先後所輯兩冊凡六卷閱其序始知
寧之紀載自嘉靖啟土而後歷百年間固闕如也
我

朝定鼎勞來嗷鴻克安中澤幹年旣茂文治蔚興遂
用大學士衛公議

詔令天下郡國纂修新志至康熙二十七年戊辰黃君
用肇編次越七年甲戌甯君爰踵其成而後寧邑

之幅幘制度人官物曲各著簡帙規模畧具亦足
備輶軒之采垂文獻之徵矣自甲戌至今幾六十
載微論寧地瘴濕舊冊剝蝕且

列聖相承重熙累洽異者益庚蠱者益甲凡百創制釐
然煥然吏治蒸蒸進而日上寧雖蕞爾狐兔伏而
山澤愈通滋息蕃而戶口愈衆稅徭薄而報聖愈
增學校興典禮舉教化行而人材愈振風尚愈淳
下至卉植昆蟲亦皆若時茂育以著光榮顧徒付
之吏胥之卷牘口耳之傳聞後之君子覽其誌乘
渺無登識將何所參稽博考以徵上理之化不亦
宰斯土者之責與 不候 披緝伊始卽慨然有纂修

廣寧縣志卷之一

前序

六

之志第以寧疆阨塞邨舍稀疎方兢兢凜凜期以
長治久安無慚保障之任執掌劬勞不得不暫爲
緩置幸數年來仰荷
國家之福山陬下邑靡不熙皞淪浹簾署之下藉以
休豫於是廣羅散帙博詢耆老時適延三水髯麓
梁子掌義學西席 不候 因屬之以襄其事講貫之
暇引爲商確疑者闢之遺者補之古今異制者辨
別而存之前後異俗者敘次而章之舊志義例之
微有混淆者慎酌而更易之各目小序之稍傷於
佶屈偶戾於正理者去取而脩飾之始事於戊辰
仲冬迄於己巳初夏凡五閱月而屬藁告竣仍其

舊者十之四而增其新者十之六爲卷十爲目十有四而其目之大者又復縷析以詳其類然時值梓人倥偬工程既迫又復才思鈍拙自以不獲細加芟苴爲憾第思志者記也不過備記一邑之事以俟 上憲省風所及或郡省輿志葑菲之采云爾若夫黼黻

皇猷潤色鴻業則鸞臺鈴閣之選名公鉅卿之班宏裁雅製錯鏤如林此則瑤函之所珍金匱之所秘也夫豈區區彈丸猥瑣之志所敢望哉是爲敘

肯

乾隆十四年歲己巳蒲月端陽後吉日盧龍李本

廣寧縣志卷之一 前序

七

潔書於福山官舍

前序

進士梁喬舉三水

率邑之建蓋百九十年於茲矣其有志也自我

朝黃甯二侯始也黃啟其端甯竟其緒於是前邇

嘉靖之季以迄

國家承運之初凡百年有奇所爲制置因革風土人

物乃克彙編成冊義例彬彬文獻之徵遂與通都

大邑等噫藉令二侯無修明之志將吏民之事任

其殘缺卽草野一二故老偶有零編散牘不幾湮

漫不收付之荒烟蔓草已哉夫政以世殊俗因時

易紀載之業前人丁其創後人膺其述甲戌而上

黃甯二侯之志至於今賴之甲戌而後數十年之蹟所由垂著不沒者寧無起而任其責者乎此今日纂輯之役 邑侯澄庵李先生之所爲汲汲也

余自丁卯來謬爲 李侯與諸髦士所許可辱授

業於寧邑夫 李侯以制作之才乃復撝謙善下

出其所輯以諮訪於余余亦忘其固陋因以蛛腹

微絲畧佐紉綴 侯復博詢於邑歲薦林君俊千

中梅 諸生周中譽與夫邑中之紳士耆老務期論

出於公義要諸當書幾成并屬余更定其卷帙之

次余維土壤之奠土麗躔宿故首星野列曜殊方

疆理攸判受以疆域焉川原遼濶封建斯興受以

廣寧縣志卷之一 前序

八

建置焉體國經野設官分職受以吏治焉制治之

要授田定賦而賦役次之盈寧之利兼資百物而

物產次之民粒物阜不可不崇報本也而祠祀次

之歲事明禋壬林洽禮繼之以典禮禮定而敘行

敘行而俗美俗美而賢才衆多司徒賓興稱藹吉

焉繼之以風俗以人物以選舉闢門籲俊不遺遐

陬大猷之升慶長治矣四海無虞不忘武備洪範

八政終之以師繼之以兵防庶其鞏固無疆乎若

夫藝者道之寄文者行之表此文治之徵也儔寓

有賓客之義盛時廣懷遠之仁此推誠之務也服

道而飛昇披繯而卓錫雖儒者所不道亦方外之

奇踪也亟登乎藝文而流寓而僊釋亦連而綴之
凡此悉邑之紀載不容缺也至是而志亦畢矣復
計開縣以來總次其年數撮舉其綱要以爲年表
毋亦經緯互見之義以爲全志之統匯也歟噫事
之脩廢存乎其人維邑志亦然寧之志黃甯二侯
創之李侯述之甲戌以前凡諸政俗微二侯固將
湮沒於荒煙蔓草矣甲戌而後微李侯吾不知其
待於後人者又當何如也 侯曰是固余職也何
勞之與有雖然是役也 侯卽不自功其所繫豈
淺鮮哉

乾隆己巳蒲月三水梁喬渠謹序

廣寧縣志卷之一 前序

九

重修縣志凡例

邑之有志猶國之有史志與史體制雖異而

載未嘗不同故分門別類編次不容錯雜舊志
分爲十卷紀載略備今重加增訂卷凡十七義

例昭然庶無遺漏

一紀事莫重於訓誥載筆莫大乎

綸音煌煌鉅典前志未載今悉敬錄

列聖詔諭冠於卷首

一疆域輿圖及省府縣學宮衙署各圖前志備載

今悉照舊至各舖山川墟市津梁陂塘勝蹟前

志未備今皆繪圖載入

廣寧縣志 凡例

一戶口貢賦前志備載閱今七十餘年生齒日繁

田野愈闢戶口貢賦日增會計數目亦悉續入

一廟宇寺觀於前志備載外所有續建及未載前

志者今皆編入

一學校前志未及儀注與樂章祝文今照奉

部頒依類敬錄至

御書匾額贊序并四配十二哲兩廡位次及歷代封贈

從祀年月今悉增入

一人物志激勸攸關稍有瞻徇豈堪傳信舊志已

經登錄悉依原本至七十餘年以來果有素行

昭彰輿論悉協及有慷慨好義能共成善舉者

考厥品誼據事直書亦以示勸也

一烈女貞婦已經旌表立祠者照舊志載入若未經旌表果有貞白自矢孝義克敦者亦備列姓氏以彰閭閻倘實蹟未確亦不敢徇情濫編

一藝文碑版記序詩詞歌賦皆邑中事蹟有關國計民生者方載入志若風雲月露之詞概不濫登

一靈蹟必實有確據前志未及載今復得諸耳目見聞與他書所紀載亦皆編入

一按李志序謂邑志始於黃甯二公據

國朝而言也今從鄉間搜得前明萬歷四十七年知

廣寧縣志

凡例

二

縣趙廷忠所修殘志一卷又得抄白一本核與

趙志相合故各類多分別纂入

重脩廣寧縣志名氏

總輯

廣寧縣知縣李本潔北直盧龍人

協輯

乙丑科進士梁喬棟廣州三水人

參訂

廣寧縣教諭鄭薦璉陸豐人舉人

廣寧縣訓導岑霄漢歲貢曲江人

廣寧縣典史鄧廷宣福建延平人

分輯

邑貢生林中梅 邑庠生周中譽

廣寧縣志卷之一 名氏

校閱

貢生王公爵 周恩元

陳瑞 陳志遠

周聖泰 楊毓鳳

馮從大 歐湛淳

生員馮作堃 陳志蕃

馮超穎 植唐

王上禮 葉日睿

何具 陸迥異

馮作垣 周中道

陳樂蕃 陳炳

周之琛

陳繼實

王如明

監生陳兆同

馮光宗

周標齡

王如龍

陳顯蕃

盧健仁

黃掄捷

文榮厚

陳俊

林強

李玉麟

陳廷品

陳成堯

廣寧縣志卷之一 名氏

二

重修廣寧縣志姓氏

總輯

廣寧縣

知

縣黃思藻

湖南寧鄉縣人

參閱

廣寧縣

教

諭翁雅

饒平縣人

廣寧縣

借

補訓導李謁聖

增城縣人

分輯

歲貢

歐振時

歲貢

周友杰

恩貢

鮑作梁

歲貢

詹致

恩貢

曾豐

恩貢

王元銘

舉人

陳紹熊

生員

歐寶

廩貢署花縣興寧永安訓導岑文光

歲貢

程天瑜

拔貢署陝西隴州州判陳和樂

校閱

貢生

周宜魯

廩生

程倬煥

廣寧縣志纂修姓氏

生

採訪

員

梁煥堂

生員楊日績

生員馮啓元

生員高昌治

生員馮友昌

生員歐光斗

生員陳應超

生員歐陽玉

生員曾希彥

生員譚文謙

廣寧縣志

纂修姓氏

二

重修廣寧縣志目錄

卷首

典謨

卷二

星野

氣候

卷三

疆域

墟市 山川 勝蹟

卷四

輿圖

省圖 府圖 縣圖 衙門

卷五

建置

附寺廟

廣寧縣志

目錄

一

卷六

賦稅

卷七

職官

附治績

卷八

禮樂

卷九

學校

卷十

選舉

附康貢 增貢 附貢 例貢 例職

卷十一

人物

卷十二

風俗

卷十三

兵防

卷十四

物產

卷十五

藝文 分上下

卷十六

雜志 附流寓
僊釋

廣寧縣志 目錄

卷十七

年表

廣寧縣志卷之一

訓典 順治三年
大清律序

上諭朕惟

太祖

太宗創業東方民淳法簡大辟之外惟有鞭笞朕仰荷天庥撫臨中夏人民既衆情偽多端每遇奏讞輕重出入頗煩擬議律例未定有司無所稟承爰敕法

司官廣集廷議詳繹明律參以國制增損劑量期於平允書成奏進朕再三覆閱仍命內院諸

臣較訂妥確乃允刊布名曰大清律集解附例爾內外有司官吏敬此成憲勿得任意低昂務

廣寧縣志 卷之一 訓典

使百官萬民畏名義而重犯法冀幾刑措之風

以昭我

祖宗好生之德子孫臣民其世世守之

諭撫按道府州縣招民開墾詔

上諭自兵興以來地多荒蕪民多逃亡流離無告深可憫惻著戶部都察院傳諭各撫按轉行道府州

縣有司凡各處逃亡人民不論原藉別藉必廣

加招徠編入保甲俾之安心樂業查本地方無

主荒田州縣官給以印信執照開墾耕種永准

爲業俟耕至六年之後有司官親察成熟畝數

撫按勘實奏請奉旨方准徵收錢糧其六年以

前不許開徵不許分毫僉派差役如縱容衙官衙役鄉約甲長借端科害州縣印官無所辭罪務使逃民復業田地開墾漸多各州縣以招民設法勤耕之多寡爲優劣道府以善處責成催督之勤惰爲殿最多每歲終撫按分別具奏載入考成該部院速頒速行欽此

臥碑

順治九年二月禮部題定奉

欽作刊立臥碑曉示生員

朝廷建立學校選取生員免其丁糧厚以廩膳設學院學道學官以教之各衙門以禮相待全

廣寧縣志卷之一

訓典

二

要養成賢才以供

朝廷之用諸生皆當上報

國恩下立人品所有教條開列於後

一生員之家父母賢知者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心一生員居心忠厚正直讀書方能有實用出仕必作良吏若心術邪刻讀書必無成就爲官必取禍患行害人之事者往往自殺其身常常思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有官司衙門不可輕入卽有切己之事止許他人代告不許干與他人詞訟亦不許牽生員作証

一爲學當敬先生若講說皆須誠心聽受如有未明當從容再問毋妄行辯難爲師者亦當盡心教訓勿致怠惰

一軍民一切利病不許生員上書陳言如有一言建白以違制論

廣寧縣志卷之一

訓典

三

鄉曲所作文字不許妄行刊刻違者聽提調官治罪

頒示各省學臣督訓士子諭

順治十年

諭禮部朕維帝王敷治文教是先臣子致君經術爲本自明末擾亂日尋于戈學問之道闕焉未講今天下漸定朕將興文教崇經術以開太平爾部卽傳諭直省學臣訓督士子凡理學道德經濟典故諸書務要研求淹貫博古通今明體則爲真儒達用則爲良吏果有此等實學朕必不次簡拔重加任用又念先賢之訓仕優則學仍傳諭內外大小各官政事之暇亦須留心學門

俾德業日修識見益廣佐朕右文之治特諭欽此

頒示賦役全書序

順治十四年

上諭朕惟古帝王臨御天下必以國計民生爲首務故禹貢則壤定賦周官體國經野法至備也當明之初取民有制休養生息至萬歷年間海內殷富家給人足及乎天啓崇禎之世因兵增餉加派繁興貪吏緣以爲奸民不堪命國祚隨之艱足深鑒朕荷

上天付託之重爲生民主一夫不獲亦疚朕懷凡服御

儲羞深自約損然而

廣寧縣志

卷之一

訓典

四

祖宗百神軍旅燕饗犒錫之煩以及百官庶役餽厚之

給罔不取之民間誠恐有司額外加派豪蠹侵

漁中飽民生先困國計何資茲特命戶部右侍

郎王宏祚將各直省每年額定徵收起存總數

實數編撰成帙詳稽往牘參酌時宜凡在參差

遺漏悉行駁正錢糧則例俱照萬歷年其天啓

崇禎時加增盡行蠲免地丁則開原額若干除

荒若干原額以萬歷刊書爲準除荒以覆奉御

旨爲憑地丁清核次開實徵又次開起存起運

者部寺倉口種種分晰存留者款項細數事事

條明至若九釐銀舊書未載者今已增入宗緣

銀昔爲存留者今爲起運漕白二糧確依舊額

運丁行月必令均平胖襖盛甲昔解本色今俱

改折南糧本折昔留南用今抵軍需官員經費

定有新規會議裁冗改歸正項本色絹布顏料

銀硃銅錫茶蠟等項已改折者照督撫題價值

開列解本色者照刊書價值造入每年督撫確

察時值題明填入易知單內照數辦解更有昔

未解而今宜增者有昔太冗而今宜裁者俱細

加清核條貫井然後有續增地畝錢糧督撫按

彙題造冊報部以憑稽核綱舉目張勒成一編

名曰賦役全書頒布天下庶使小民遵茲令式

廣寧縣志

卷之一

訓典

五

便於輸將官吏奉此章程罔敢苛歛爲一代之

良法垂萬世之成規雖然此其大畧也若夫催

科之中寓以撫字廣招徠之法杜欺隱之奸則

守令之責也正已率屬承流宣化覈出納之數

慎那移之防則布政司之責也舉廉懲貪興利

除害課殿最於荒墾昭激揚於完欠恪遵成憲

以無負朕足國裕民之意則督撫之責有特重

焉其敬承之毋忽

聖祖仁皇帝上諭十六條

康熙十八年

敦孝弟以重人倫篤宗族以昭雍睦和鄉黨以

息爭訟重農桑足衣食尚節儉以惜財用隆

學校以端士習黜異端以崇正學講法律以儆愚頑明禮讓以厚風俗務本業以定民志訓子弟以禁非爲息誣告以全善良誠匿逃以免株連完錢糧以省催科聯保甲以弭盜賊解警忿以重身命

御製孔子序贊

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邇前徽堯舜禹湯文武達而在上兼君師之寄行道之聖人也孔子不得位

廣寧縣志卷之一 訓典

六

窮而在下秉刪述之權明道之聖人也行道者勳業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣巡省東國謁祀闕里景企滋深敬摘筆而爲之贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬世曰惟堯舜禹湯文武五百餘歲至聖挺生聲金振玉集厥大成序書刪詩定禮正樂既窮象繫亦

嚴筆削上紹往緒下示來型道不終晦秩然大經百家紛紜殊途異趣日月無踰美牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖邇源洙泗景躅唐虞載歷庭除式觀禮器摘毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱決牆高萬仞夫子之堂孰窺其藩孰窺其徑道不遠人克念作聖

御製顏曾思孟四子贊

廣寧縣志卷之一 訓典

七

聖道早聞天資獨粹約禮博文不遷不怒一善服膺萬德來萃心齋坐忘其樂一致禮樂四代治法兼備用行舍藏王佐之器洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓詞於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇

並垂六藝孔學攸傳禹功作配

御製訓飭士子文

康熙四十年

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務令風教脩明賢才蔚起庶幾械樸作人之意乃比年士習未端儒效鮮著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學先立品行次及文學學術事功源委有敘爾諸生幼聞庭訓長列宮牆朝夕誦讀寧無講究必也躬修實踐砥

廣寧縣志

卷之一

訓典

八

礪廉隅敦孝順以事親秉忠貞以立志窮經考業勿雜荒誕之談取友親師悉化僑盈之氣文章歸於醇雅毋事浮華軌度式於規繩最防蕩軼子矜佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨不齒縱倖脫褫朴濫竊章縫返之於衷寧無愧乎況乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改

竄鄉貫希圖進取囂凌騰沸網利營私種種弊

端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文玩愒勿儆毀方躍冶暴棄自甘則是爾等冥頑無知終不能率教也既負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業勿修咎亦難逭勿謂朕言之不預也爾多士尙敬聽之哉

諭知

州知縣

雍正元年

朕惟國家首重吏治爾州牧縣令乃親民之官吏治之始基也貢賦獄訟爾實司之品秩雖卑職任綦重州縣官賢則民先受其利州縣官不肖則民先受其害膺茲任者當體朝廷惠養元元之意以愛民爲先務周察郡屋綏輯鄉里治

廣寧縣志

卷之一

訓典

九